

REDUKCIJA DUŽINE MJERENE ELKETRONSKIM DALJINOMJERIMA

Veljko PETKOVIC — Zagreb

Elektronskim daljinomjerima mjeri se kosa dužina dvostrukog puta do signala*).

Obzirom na gotovo jednovremeno vraćanje zrake pretpostavlja se da obe putanje padaju zajedno.

U koliko se koriste aktivni reflektori onda se mjereni podatak odnosi na dužinu krivulje koja u obliku luka D spaja električne centre daljinomjera centriranih iznad tačaka koje označavaju centar u geodetskom smislu definiranih krajeva dužine.

Ako se mjeri elektrooptičkim daljinomjerima električni centar daljinomjera i geometrijski centar pasivnog reflektora predstavlja krajne tačke na putu D elektromagnetskih valova.

Električni centar instrumenta ili geometrijski centar pasivnog reflektora redovito nisu identični s tačkom kojom se centriraju instrument ili reflektor. Za definitivna računanja i izjednačenja ovako mjerene dužine reduciraju se na nivo plohu odnosno na ravninu projekcije. Prije toga je potrebno ispraviti dužinu dobivenu neposrednim mjeranjem za:

a) popravku za brznu tj. razliku stvarnog koeficijenta loma zrake n i n_0 usvojenog za automatsko računanje dužine za instrument s digitalnom registracijom

$$\Delta l = D' (n_0 - n).$$

D' je dužina koja se dobija iz podataka očitanih na brojčaniku daljinomjera, a u mernom dijelu instrumenta se automatski računaju na osnovi ugrađene vrijednosti za n_0 . Za razne daljinomjere n_0 se kreće u granicama od 1,000 108 do 1,000 325. Uvođenjem ove popravke dobiva se za dužinu putanje zrake izraz

$$D = D' \pm \Delta l;$$


b) ekscentričnost stajališta;

c) konstruktivne karakteristike pojedinih daljinomjera koje su vezane za određivanje mjerila dužine, odnosno određivanje vremena prolaza signala.

d) pogrešku položaja nulte tačke tj. razliku električnog i geometrijskog centra daljinomjera odnosno reflektora i stvarnog centra tačke sa koje se mjeri. Ove razlike redovito nisu tačno poznate i nemogu se tačno odrediti, pa

Adresa autora: Veljko Petković dipl. ing. — Geodetski fakultet, Zagreb — Kačićeva ul. 26

* Petković: Brzina svjetlosti u mjeranjima elektronskim daljinomjerima Geodetski list 1—3, 1969.



Slika 1

će se ponekad u mjerjenjima zadržati kao pogreške sistematskog karaktera. Kosu dužinu

$$S = \frac{c_o t}{2 n} + l_1 \quad (1)$$

sl. 1. treba reducirati na horizont po formuli (2). c_o je brzina širenja elektromagnetskih valova u vakuumu, t je vrijeme prolaza signala u oba smjera, n koeficijent loma zrake određen podacima neposrednog mjerjenja temperature, vlage i pritiska, l_1 popravka dužine uslijed zakrivljenosti putanje zrake elektromagnetskih valova. Vidi izraz (7).


U tu svrhu potrebno je odrediti visinske razlike krajnjih tačaka trigonometrijskim nivelmanom ili nekim drugim podesnim načinom. Izbor zavisi o tačnosti koju treba postići, a data je izrazom

$$dS \approx \frac{H}{S} dH$$

gdje je dS pogreška dužine, dH pogreška određivanja visinske razlike.

$$S' = \sqrt{S^2 - \Delta H^2}$$

Slika 2



Ukoliko je dužina manja od 10 km. i kvocijent $\Delta H/S < 0.03$ redukcija na horizont može se računati formulom

$$l_2 = S' - S = - \frac{\Delta H^2}{2S} \quad (2)$$

Redukcija za nadmorskiju visinu niže tačke A data je izrazom

$$l_3 = - \frac{SH_A}{R}$$

ili za srednju visinu tačaka

$$l^3 = - \frac{SH_m}{R} = - \frac{S(H_A + H_B)}{2R}$$

Ukupna će onda redukcija dužine S na nivo plohu mora biti data izrazom

$$l^3 = S + (l_2 + l_3) \quad (3)$$

Putanja elektromagnetskih valova, koje emitiraju odašiljači elektronskih daljinomjera uslijed utjecaja atmosferskih uvjeta koji mijenjaju njihovu brzinu širenja, nije pravac već dio luka radiusa dat izrazom

$$r = \frac{n}{\text{gradijent } n \sin \beta} \quad (4)$$

ili približnim izrazom

$$r = - \frac{dh}{dn} \quad (4)$$

gdje je n = koeficijent loma, β = kut između pravca gradijenta loma odnosno radiusa slojeva zraka i tangente na krivulju ds putanje zrake elektromagnetskih valova, dh = visina slojeva zraka sl. 2.

Krivulja je konveksnog oblika i njeni se stvarni elementi mogu odrediti tim tačnije ukoliko su izvršena opsežnija mjerena temperature, vlage i pritiska. Ova jednadžba vrijedi za proizvoljne dužine dok su razlike u slojevima atmosfere diferencijalne veličine.

Na osnovi mnogobrojnih ispitivanja koja su vršena na raznim stranama svijeta o utjecaju atmosferskih uvjeta na širenje elektromagnetskih valova došlo se do zaključka da je njihova putanja luk kružnice r , za mikrovalove jednak $r_M = 4R$, a za svjetlosne valove $r_s = 8R$.

Taj odnos predočen razlomkom

$$k_{MS} = \frac{R}{r_{MS}} \quad (5)$$

daje refrakcionu koeficijent ili relativnu zakrivljenost zrake, pozitivnu u smislu zakrivljenosti zemaljske površine.

Prema formuli (5) dobiva se za svjetlosne valove da je $k_s = 0,125$, a za mikrovalove $k_M = 0,250$ odnosno za $r =$ cca 25 000 km., a za $r_s =$ cca 50 000 km.

Pošto je

$$r - R = F(D, n)$$

to će se prema tome i koeficijent k mijenjati s promjenom dužine i atmosferskih uvjeta. Za računanje su uzete približne vrijednosti za radius r .

Prelaz sa luka D na tetivu S daje izraz

$$S = 2r \sin \frac{\gamma}{2} = 2r \sin \frac{D}{2r}$$

sl. 1. Ako se ova jednadžba razvije u red dobva se

$$S = D - \frac{D^3}{24 r^2} + \frac{D^5}{1920 r^4}$$

Treći član ove jednadžbe može se zanemariti pošto za slučaj mikrovalova $k_M = 0,250$ i dužine 1000 km. iznosi tek 1 mm.

Popravci dužine uslijed zakrivljenosti putanje zrake elektromagnetskih valova računaju se onda prema izrazu

$$l_1 = -\frac{D^3}{24 r^2} = -k^2 \frac{D^3}{24 R^2} \quad (7)$$

Korekciju dužine zbog zakrivljenosti zemljine površine odnosno za prelaz sa teticu na luk elipsoida dobiva se prema formuli

$$D_o = R \delta = 2R \operatorname{arc sin} \frac{S_o}{2R}$$

Ako se ovaj izraz razvije u red dobiva se za

$$D_o = S_o + \frac{S_o^3}{24 R^2} + \frac{3 S_o^5}{640 R^4} + \dots$$

Zanemarili se treći član koji je za $S = 200$ km jednak cca 1 mm dobiva se za dužinu geodetske linije odnosno krivulje normalnog presjeka izraz

$$D_o = S_o + \frac{S_o^3}{24 R^2} = S_o + l_4 \quad (8)$$

Korekcija za zakriviljenost putanje l_1 i zakriviljenost zemaljske površine l_4 mogu se predočiti jednim izrazom

$$L = l_1 + l_4 = -k^2 \frac{D^3}{24 R^2} + \frac{S_o^3}{24 R^2}$$

Budući da su korekcije male veličine može se uzeti da je $D = S_o$ nakon čega se dobiva

$$L = + \frac{(1 - k_{M,S}^2)}{24 k^2} \cdot D^3 \quad (9)$$

Ovaj član je uvijek pozitivan, pa je formula za redukciju dužine data izrazom

$$D_o = D + (l_2 + l_3) + L$$

odnosno već poznatom formulom

$$D_o = \sqrt{\frac{S^2 - \Delta H^2}{\left(1 + \frac{H_A}{R}\right)\left(1 + \frac{H_B}{R}\right)}} + \frac{(1 - k_{M,S}^2)}{24 k^2} \cdot D^3 \quad (10)$$

Dužina na elipsoidu dobiva se iz geometrijskih odnosa mjerenih veličina i odgovarajuće plohe usvojenog elipsoida.

Za srednju geografsku širinu Jugoslavije $\psi = 44^\circ$ i odgovarajući radius zakriviljenosti $R = 6377$ km. faktor

$$\frac{1 - k_M^2}{24 R^2} = 0,000\ 101 \quad \text{za mikrovalove, a za svjetlosne valove}$$

$$\frac{1 - k_S^2}{24 R^2} = 0,000\ 096 \quad \text{Neki autori daju za } k \text{ veličinu 0.75 bez obzira o ko-}$$

jim se valovima radi. S obzirom na razliku utjecaja atmosferskih uvjeta na mikrovalove i svjetlosne valove svakako je tačnije da se usvoje različite vrijednosti za koeficijente k_M i k_S kako je dato u tabeli I.

Vrijednosti za ove koeficijente koje su korištene za računanje redukcije u ovoj tabeli odnose se na normalne atmosferske uvjete tj. suhi zrak pri temperaturi 0°C , pritiska 760 torra i 0.03 % sadržine ugljičnog dioksida (CO_2).

Iz ovog je vidljivo da su korekcije za dužine ispod 20 km. manje od točnosti mjerena, pa ih se zanemaruje

Dužina luka D u km.	redukcija u m za R = 6377 km.	
	$k_M = 0,25$	$k_S = 0,13$
10	0.001	0.001
20	0.008	0.008
30	0.026	0.027
40	0.061	0.065
50	0.120	0.126
60	0.217	0.218
70	0.329	0.346
80	0.492	0.516
90	0.700	0.735
100	0.961	1.009

Tabela I

Ukoliko se tačke računaju pojedinačno koordinate se određuju lučnim presjekom. Složene mreže trilateracije izjednačavaju se metodom uvjetnih ili posrednih mjerena.

Sa ovako određenim stranama mogu se računati svi kutevi u trokutu po slijedećim ili nekim drugim već poznatim formulama

$$\cotg \frac{\alpha}{2} = \sqrt{\frac{S(S-a)}{(S-b)(S-c)}}$$

$$\cotg \frac{\beta}{2} = \sqrt{\frac{S(S-b)}{(S-c)(S-a)}}$$

$$\cotg \frac{\gamma}{2} = \sqrt{\frac{S(S-c)}{(S-a)(S-b)}}$$

$$a + b + c$$

gdje je $S = \frac{a+b+c}{2}$, pa se i tim putem mogu izvršiti kontrole mjerena.

LITERATURA:

1. N. Čubranić: Viša geodezija I dio. Školska knjiga Zagreb 1954
2. W Höpcke: Über die Bahnkrümmung elektromagnetischer Wellen und ihren Einfluss auf die Streckenmessung. ZfV. 1964/6
3. M. Janković: Inženjerska geodezija I dio. Tehnička knjiga Zagreb 1968 g.
4. Jordan (Eggert) Kneissl: Handbuch der Vermessungskunde. Band VI. M. V. Stuttgart 1966 g.
5. A. V. Kondraškov: Elektrooptičeski daljinomeri. Preveo na njemački Deumlich i Koitsch. Izdanje VEB, Berlin 1961. g.
6. V. Petković: Brzina svjetlosti u mjerjenjima elektromagnetskim daljinomjerima. G. L. br. 1-3 1969.
7. K. Rinner: Über die reduktion grosser elektronisch gemessener Entfernung. ZfV. 1956/2.
8. R. Sigel: Versuchsbeobachtungen mit dem tellurometer. ZfV. 1958/2.